

Graffen
von Bre-
genz und
Tettnang.
Lantfog-
tejer Forst.
Graff Vl-
richs Lan-
desthei-
lung.

Wangen
und Lu-
kirch.
Pfand-
schafft.

vnd graff Ulrich vnd berichten es. wann es in irem land lag. Also ward alle sach gericht. vnd kament die iungen herzen baid wider haim. Da het sich graf Ulrich zu dem heiligen grab in der gefengnuß verhaissen. do fur er hin. vnd nam mit ym Jacob Emser. Marxen von Rainschwab. vnd Rudolffen von Rosenberg. do starb der herz auff der fart vnd ward begraben in sant Johannis kirch zu Genaw. do wolt graff Rudolff der iung ain hirsch iagen zu Beseling der stach yn zu tod. Da der vatter sach. das er kain sun mer het. do macht er den von Bregenz warent auch Montforter was vnder der klauen was vnd Tettnang. biß in den vorst der lantfogtei. vnd wann er sturb so solt Zellkirch vnd Maiensfeld vnd Sonnenberg die graffschafft halb als er es erkaufft het vnd Gutenberg. die eigenschafft het er Ulrich von Sachsen sein lebtage geben. Vnd dann so er nit mer wär so solten dann die von Döckenburg das erben vnd hon. vnd machtent es auff das best. vnd wann kain herz mer wär von Döckenburg so solt es ain herzn von östereich gefallen vnd werden dann Mailand solt ainer frauen von Döckenburg werden. ob aine do wär vnd kain herz. Das ward alles mit briesen vnd allen sachen nach dem besten vnd aller notdurfft versichert vnd versagt. Auch gab er dem von Bregenz all sein gerechtigkeit an Wangen und Lükirch das sie es lösen möchten mit hundert vnd siebenzig pfunden Regenspurger. die hettent sie dem herzen gelihen. Nun do er starb do wolt es ym ain herzog von östereich nemen. das wolten die grafen von Döckenburg nit lassen zu gon. Desz wurdent die von Döckenburg vnd Bregenz vnainß. do richtent sie ir freund das die von Bregenz das neu schloß Montfort nemen soltent vnd die land vnd leut so darzu gehörent helffen beschirmen. vnd yn des kriegs helffen. Da hieß ainer Wilhelm Montforter der sieng graff Hannsen von Hapsburg der was desz herzogen nechster freund. vnd fürt yn auff Montfort. der het ain kelner der gab das hauß vber vnd nam man den herz